



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, APERIRA 7, 1910.

Whakaatu kei te Whakahaerea etahi Tikanga e Hokona ai tetahi Whenua Maori e te Kingi.

PLUNKET, Kawana.

I RARO i nga tikanga o "Te Ture Hoko Whenua Maori, 1892" (a muri nei ka huaina ko "taua Ture"), tenei ka panuitia kua oti etahi tikanga, i muri i te paahitanga o taua Ture, mo te hoko, kia riro ai i te Kingi a Te Whiti-a-Tara Poraka (kei roto i nga Poraka I, V, me VI, Takiwa Ruri o Takapau); a he panuitanga ano tenei kia mohotia ai, timata atu i te ra i puta ai tenei panui e kore e ahei tetahi tangata, haunga te Kingi, ki te hoko i nga paanga, i nga tika, i nga whaitaketanga ranei o nga Maori no ratou taua whenua e whakahuatia i runga ake nei, engari e ahei ai te pera ma te ata unuhanga anake o tenei panui i raro i nga tikanga kua whakahuatia nei.

Ina hoki te ringa o His Excellency te Kawana i tenei te tekau ma iwa o nga ra o Maehe, kotahi mano e iwa rau kotahi tekau.

JAMES CARROLL,
Minita mo te Taha Maori.

Wewete i nga Here kia taea ai a Te Whiti-a-Tara Poraka te hoko ki te Kingi anake.

PLUNKET, Kawana.

I RUNGA i te whakahaerenga me te whakatutukitanga i nga kaha me nga mana kua whakawhiwhia nei ki ahau e tekiona tekau ma wha o "Te Ture Hoko Whenua Maori, 1892," me era atu tikanga e whakamana ana i abau mo tenei take, ko ahau, ko William Lee, Baron Plunket, te Kawana o te Tomihiona o Niu Tireni, kia taea ai te hoko ki te Kingi anake, tenei ka wewete i nga here i roto i te Karauna karaati Te Whiti-a-Tara Poraka, kei roto i nga Poraka I, V, me VI, Takiwa Ruri o Takapau, kei roto i te Takiwa Whenua o Haaki Pei.

Ina hoki te ringa o His Excellency te Kawana i tenei te tekau ma iwa o nga ra o Maehe, kotahi mano e iwa rau kotahi tekau.

JAMES CARROLL,
Minita mo te Taha Maori.

PANUITANGA KOOTI WHENUA MAORI.

HE PIIRA KUA UNUHIA.—TORERE 1 ME 2 PORAKA.—"TE TURE KOOTI WHENUA MAORI, 1894."

I ROTO I TE KOOTI WHAKAWA TUARUA O NIU TIRENI, TAKIWA O AKARANA.

Mo te take o Torere Nama 1 me 2 Poraka, me te piira a Hiri Tauawhi me etahi atu i te whakatau a te Kooti Whenua Maori, i whakaputaina i te 19 o nga ra o Noema, 1909, i tetahi tono mo nga take paanga ki taua whenua.

HE panuitanga tenei, i runga i te mea kua tae mai he whakaatu ki te Kai-rehita, a kua whakaae noki te Tumuaki, ko taua piira kua unuhia.

I tuhia ki Akarana, i tenei te 1 o nga ra o Maehe, 1910.

Na A. H. HORANA, Kai-rehita.

Kahiti—A.